



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

§. III. De quantitate furti mortalis in filijs, uxoribus, & maritis.

urn:nbn:de:hbz:466:1-40013

§. III.

De quantitate furti mortalis in filiis, uxoribus & maritis.

286. Secundum omnes apud Lugo *Disput. 16. n. 76.* quantitas sufficiens ad mortale ex genere suo in persona extranea non sufficit in filiis, & uxoribus, quia Pater respectu filij, & Maritus respectu uxoris nequit esse æquè rationabiliter invitus quoad eandem quantitatem ac est respectu extranei: filius enim est aliquid Patris, & bona hujus aliquiliter spectant ad filium, proinde naturalis amor magis conjungit Patrem cum filio, quam cum extraneo, hoc ipso autem nequit rationabiliter esse æquè invitus respectu utriusque quoad eandem quantitatem; similis etiam ratio procedit in Marito respectu uxoris.

Quæ autem quantitas in furtis filiorum requiratur ad mortale furtum secundum omnes certa regula definiri non potest, sed prudentis arbitrio est determinanda ex varijs circumstantiis parentum, nempe statu, facultatum, seu divitium, paucitate, aut multitudine prolium, usus, ad quem furtiva pecunia impensa, ætatis filij, genij paterni, nempe tenacitatis, aut liberalitatis majoris, vel minoris affectus erga filium Summæ acceptæ, videlicet an excedat Summam, de qua possit Pater disponere sine præjudicio legitimæ portionis aliorum, ex quibus patet, quod non eadem quantitas in filiis sufficiat pro mortali furto, sed diversa pro diversitate circumstantiarum

Unde negat Bannez filium perdivitis Patris argendum mortalis furantem infra quinquaginta aureos, quām Sententiam merito damnat Lugo nimia lenitatis extra filium Principis; cautius loquitur Lessius *L. 2. c. 12. n. 66.* credens non sufficere duos vel tres aureos. Secundum Salas filius unicus Patris habentis annuos 1500. aureos potest absque mortali accipere 20, vel 30 per annum, quod Lugo restringit ad filium non puerum, sed adolescentem, cujus Pater non esset tenax, præsertim si ea Summa non expeneretur in usus turpes.

Tamburinus *lib. 8. Decal. tract. 2.* C. 3. n. 3 pro filio parentis mediocriter divitis credit non sufficere duos florenos, unum verò sufficere in filio Patris Mechau-nici. Platel, *cursus Theol. p. 3. n. 779.* afferit videri facilè in filiis requiri materiali duplo majorem, quām in extraneis; liberalior est Tanner, *2. 2. Disp. 4. q. 8.* putans secluso speciali damno filium non peccaturum mortaliter, si novies tantum acciperet, quantum in extraneo constituit mortale, dicit enim n. 100, unum florenum accipere esse mortale respectu extranei, at n. 118. respectu filij nec tres aureos.

Has Sententias adduxi, ut appareat, quod nulla regula certa hic sit assignabilis, sed decisio in particulari dependet à circumstantijs recensitis, juxta quas determinandum

O o dum

dum, quæ ex relatis sententijs locum habere possit.

287. De uxoribus, ut peccent mortali furto usurpando ex proprijs Mariti, aut fructibus dotis, est necessaria saltem tanta quantitas, quanta in filijs secundum omnes. *Dixi saltem: quia Fagundez in 7. Decalogi c. 8. n. 2. ait fortasse requiri quantitatē duplo majorem, quia plus videretur ei deberi quam filijs, cum sit Socia administrationis; unde c. 10. n. 4. existimat Hispaniæ Reginam non peccatram mortaliter, bis mille aureorum inscio Rege quot annis donantem, aut si alia minor Regina donet mille.*

Ex his sequitur tam filios, quam uxores obligari ad restitutionem ablitorum faciendam, dum sunt rationabiliter inviti parentes, & Mariti quoad substantiam: filij restituent vivo Patri aut hoc mortuo in divisione fratribus tantum cedent, quantum acceperunt, nisi prudenter credant eos tantundem accepisse, ut putent Patrem facile donaturum rogatum, & præsumptio colligi potest ex a-

more, & liberalitate erga filium, qualis consensus non est præsumendus, dum Summa notabilis in usus turpes, nempe mererrices, comedationes, & compunctiones expendit, nisi hæc Summa sic subtracta parcus vivendo, dum filius poterat laius vivere ex pecunia data pro victu, vestitu &c. *Fagundez c. 3. n. 7.*

Uxores autem restituent, vel ex suis bonis, vel subtrahendo sumptibus, quos juxta conditionem suam licite possunt facere ex bonis Mariti, vel si aliter non possunt hæredibus Mariti defuncti relinquendo tantum ex dotalibus.

Eas eadem causæ excusant à restituitione, quæ filios, & sicut quantitas respectu filiorum, ita respectu uxoris est taxanda ex annuo Mariti proventu, statu, affectu, liberalitate &c. Reliquæ quæ uxoribus licent aut non, lege à n. 92.

Dicta de furtis uxorum applicanda sunt furtis Maritorum ex bonis uxorum quoad quantitatem requisitam, alia vide à n. 90.



§. IV.

De furtis Religiosorum.

288. **C**ertum est primò Religiosi furtum non semper esse mortale contra Justitiam Lugo *Disput. 3. n. 170.* contra Germonem & Antoninum.

Certum est secundò quod omne furtum mortale ex objecto sive ex gravitate materia (secùs mortale contra Justitiam ex circumstantijs) Sit etiam mortale con-

tra votum paupertatis, sed non econtrafisc enim est contra Justitiam, est tamen mortale contra votum, Religioso absque Prælati licentia det sacerdotalis rem notabilem cù Conditione, ut non sit Monasterij.

Quæstio prima est an in re pecuniaria Monasterij de quantitate sufficiente ad mortale furtum (dixi Monasterij, quia